

那耶阿毗達磨正修得者謂阿地伽摩此是三乘人所修善提助法及三乘果如此名二種正法此中有幾人偈曰

於中有能持能說及能行

釋曰於阿含有二人一能正持二能正說於阿地伽摩但有一人謂能正修得隨此三人

相傳住時正法亦隨此時得住何以故有二因緣能令正法久住謂正說正受有餘師說佛般涅槃後一千年正法得住此說約正修得不約阿含若約阿含則有多時何以故於末世中若能此正法諸人有二種諸天一隨聞得信二隨正解得信皆擁護彼人令阿含及正修得於世不速隱沒是故於中如文如義應急修正行此論中佛世尊阿毗達磨是我所說爲如經部中所顯爲如毗婆沙中所顯偈曰

鄒賓毗婆沙理成我多隨彼說此論正法偏執是我失判法正理佛爲量

釋曰罽賓國毗婆沙師二譯所成就此阿毗達磨我今多隨彼義說於中若有偏執是我過失離證能正判正法唯佛世尊爲最勝量何以故由證見一切法故若佛聖弟子離阿含及道理判正法亦非中量
阿毗達磨俱舍釋論卷第二十一 守十二

阿毗達磨俱舍釋論卷第二十二

守十二

中破說我品第九

婆蘃盤豆造 陳三藏法師真諦譯

大師世間眼已閉 又證教人稍滅散
不見實義無制人 由不如思動亂法
自覺已入最妙靜 荷負教人隨入滅
世間無生能壞德 無鉤制惑隨意行
若知佛法壽 將盡已至喉 是感力盛時
求脫勿放逸

離此法於餘法爲無得解脫耶無云何如此
非如我見誑於心故何以故彼人不於五陰
相續中假立我言故何爲由彼分別有別實

物名我一切或以我執爲生本故於餘法無解脫義云何得知如此但於五陰相續中假起我言非於餘義由我非證比二量所知故餘法若實有若無障礙必定由證量得知譬如六塵及心或由比量得知辭如五根此中如此比知若有因緣餘因緣不有故不見事

生若有則見事生色塵等緣若具有能障礙法若悉不有盲聾等人及非盲聾等人於色等塵眼等識不生生故可得比量別因不有有義別因即是眼等根如此證量及比量於我不有故是故說決定無我是跋私弗多羅部所說必定有我與五陰不一不異此言宜應簡擇爲彼執由實物故有由假名故有實有相云何假有相云何若如色等別有名實有物若如乳等但聚集有名假名有若由實物有與陰別性故應說與陰有異譬如別陰必定須說此我因若無因即是無爲則同外論師說亦無別用若汝執由假名有故有此

說最精我等亦說如此我等立我有不由實有說有亦不由假名有說有此何爲約內所取現世諸陰執說爲我今此別言於義復不開顯非我等所解此約言顯何義若義如此謂緣諸陰於諸陰中假名說我此義應成譬如綠色等物假名說乳復次若義如此謂因諸陰故我言成諸陰是說我言因故此執亦同前失我等說我不如此若不尔云何如約薪執說火約陰執說人亦尔云何約薪執說火若離薪火不可執說不可立火與薪有異與薪無異若火異薪薪應不熱若火不異薪所燒應即是能燒如此離諸陰不可執說人守十二

亦不可說人異諸陰由有常過失故亦不可說人與諸陰不異由有斷過失故善友願汝爲我說何物爲薪何物爲火後我當得知約薪執說火義此中何所應說所燒是薪能燒是火若有應說必如此說此中汝須更史說何物是所燒何物是能燒於世間中可然物

說名薪亦名所燒若然能燒光最執說名火何以故此物能然彼能燒彼由能變異彼相續後不如本故此二各有八物所成緣薪火得生譬如緣乳酪生緣摩偷酢生是故言約薪執說火若爾則知火與薪異由不同時故若人如火必定緣陰生異於陰則成無常復次若於然薪中是執觸說名火所餘三火與此共生許此名薪此二互有差別明了易知由相有異故約薪有火義汝今應說云何約薪執說火何以故此薪非是火因亦非執說火因何以故但火是執說火因若汝說約言是依止義或共有義若爾諸陰於人應成依止應成共生彼互差別亦明了易知復次若陰滅人應即滅譬如薪滅火即滅是汝所說若火異薪薪應不熱此中何物名熱若汝說熱性名熱薪應不熱別火性故復次若汝說若有熱性名熱此物雖與熱性火異此復成熱與熱性相應故是故於別異無過失復次

卷之二

三

若汝言正然物說名薪亦說名火是故約義汝今應說若是陰即是人此不異義即至不可遮是故此譬不成如前云約薪執說火約陰執說人亦爾復次若不可說人與陰異所知有五種謂過去未來現在無為不可言此應不可說何以故此所知於過去等不可說爲第五及非第五故是時汝等執說人爲觀諸陰執說人爲觀人執說人若觀諸陰執說人名但約陰中執說人名由人不可得故但觀人執說人云何言約陰執說人何以故此執說但人是所緣境故若汝言諸陰若有人則可知是故言約陰執說有人若爾眼根思惟光明等若有是時此色方可知亦應約眼根等執說色是有此義汝應說人於六識中是何識所知彼說由六識所知此義云何若緣眼所知色分別觀人應說此人是眼所知不可說即色非即色乃至若緣意所知法分別觀人應說此人是意所知不可說即法非

即法若余此人應成與乳等同若緣眼所知色分別觀乳或觀水等應說乳水是眼所知不可說即色非即色如此應說鼻舌身所知亦余乃至不可說即觸非即觸勿乳水等非四物所成此非所許義是故如色等具物假說名乳及水等如此亦應具諸陰假說名人此義應成是汝所說緣眼所知色分別觀人此言有何義爲色是觀察人智因爲正證知色即證知人若色是人智因不可說人異於彼若余色與光明眼根學觀等亦應不可說異彼是色智因故若正證知色即證知人爲即由色證智證知人爲由別智若即由色證智證知人人與色不應成異性或於色但假說人若不余若由一智所證知此人非色此色非人此二云何分別若不能如此分別云何強立此言謂色是有人亦是有何以故由隨證知可說彼有如色乃至於法亦應說如此若由別智分別此二別時所得故人應成

守土

四

異色譬如黃色異青等又如前後刹那乃至於法亦應說如此若汝言如色及人一異不可說能證知此二智一異亦不可說是故此智亦不可說是有爲則破自悉檀若說人是有但不可說即色非即色云何佛世尊說色無我乃至識亦無我是汝所說眼識能證見人此識爲緣色生爲緣人生爲緣二生若余何有若緣色生則不能緣人生譬如聲等何以故若緣此塵此識得生唯此塵是此識緣緣若緣人及二此執與經不相應故則爲佛經所違何以故經中已決判此義唯依緣二法諸識得生復有別經亦違此執經云比丘眼是因色是緣能生眼識何以故一切所有眼識唯因眼緣色生若如汝所執此人應成無學何以故是因是緣能生眼識彼皆無常由此經言故若汝執人非眼識境人則非眼識所知復次若汝立義人是六識所知此人由耳識所知故應成異色譬如聲由眼識所

知故應成異聲譬如色於餘塵應知亦如此
復次此經文句違汝所執經云婆羅門是五
根各別行處各別境界是因自行處境界彼
各各受用非別根能受用別根行處境界謂
眼根耳根鼻根舌根身根心能受用五根行
處境界是故心是彼所依止人非境界若非

守土

五

境界不應是六識所知若余意根應成別不
通經云有六種根各別行處各別境界樂欲
自自行處境界此言於六衆生我譬中說是
義不然於此經中不定說六根爲根是五根
樂欲見等事不有故彼識亦余彼增上處所
引意識立此爲根故說名根是獨類心增上
緣所引意識此識非能樂欲受用餘根行處
境界是故無失復次佛世尊說比丘我今爲
汝等說一切所應知一切所應識法門眼根
是所應知是所應識色眼識眼觸由眼觸因
緣於內生受謂苦樂不苦不樂等乃至由意
觸因緣於內生受謂苦樂不苦不樂等是名

一切所應知一切所應識法門由此經若有
所應知及所應識史唯此量不出於此於中
不說人是故人決定非所應知智及識境界
同故執我諸人說云我等由眼見人於非我
所見有我故彼則墮我見處深坑於經中佛
世尊自了義說云但於五陰說假名人於人
經中說依眼緣色生眼識由三和合生觸共
生受想作意等是四種無色陰及眼根并色
唯如此量說名人於此中立諸名謂薩埵那
羅摩兔闍摩那婆弗伽羅時婆布灑善升於
中立言我由眼見色於中有世傳云此命者
如此名如此姓如此種類如此食如此受苦
樂如此長壽如此久住如此壽際比丘如此
事唯名爲量唯言爲量唯傳爲量如此等一
切法無常有爲故意所造由因緣生如此了
義經於此執中佛世尊說爲依爲量此經不
可更別思量復次有別經說婆羅門若說一
切有唯是十二入若人非人所攝此人必定

不有此義則成若入入攝非不可言於彼部
中有如此經言比丘若所有眼若所有色
廣說如經由唯此量比丘諸佛如來說一切
有窮顯一切說又佛毘婆羅經中說比丘嬰
兒無聞凡夫隨逐假名我言此中無我無我
所唯苦欲生得生廣說如經有阿羅漢比丘

宇十二

文

尼名世羅對魔王說此偈言

如從和合分 於中說車名 如此依諸陰

假名說衆生

於少分阿含中爲波遮利婆羅門說此偈言
波遮利汝聽 能解諸結法 由此心有染
復由此心淨 我者無我體 顛倒故分別

無我無衆生

唯法謂因果

有分唯十二

唯有陰入界

熟思尋此法

人實不可得

如觀內是空 觀外亦如是

此二不可得

能修及空義
復有經說我執中有五種過失謂起我見衆
生見墮於見處與外道不異僻行邪道心不

入空義不生淨信心於中不住於此人聖法
不得清淨彼不以此文爲依量何以故此文
於我部中非不誦說爲以部爲依量爲以佛
言爲依量若取部爲依量佛世尊於彼則非
正教師彼便非釋迦種子若取佛言爲依量
如此等文句云何不取爲依量彼云如此等
文句非是佛言於我部中非昔所誦故於今
非理事起此中何非理此文句是一切餘
部所讀誦此文句不違佛經及法尔由我等
不讀誦故此非佛言此一向非正思量但
由強作於彼爲無此經耶謂一切法無我若
汝言不說人是法不說人異法若尔此人應
成非意識所知緣二識得生由經文決故於
此文中汝云何分別救難經云於無我我執
是想倒心倒見倒於無我我執是顛倒非於
我何者非我諸陰入界汝於前云不可說我
是色非色此言最不可忍何以故於餘經說
此丘若有沙門婆羅門觀執有我彼一切但

宇三

七

成非意識所知緣二識得生由經文決故於
此文中汝云何分別救難經云於無我我執
是想倒心倒見倒於無我我執是顛倒非於
我何者非我諸陰入界汝於前云不可說我
是色非色此言最不可忍何以故於餘經說
此丘若有沙門婆羅門觀執有我彼一切但

依五取陰起此觀執是故一切不於我起我執復有經說若有諸人能憶種種宿住已憶正憶當憶彼一切唯依五陰若余此經云何說此言我如此色等於宿世已生此言為顯能憶宿住人能憶多種宿住若見人有色應墮身見過失若不說我一切色等則無屬處故說此言不為顯我是故人是假名有譬如聚流等若余佛世尊不應成一切智人何以故無有心及心法能知一切法剎那剎那生滅故是故人能知若余心滅時由執人不滅故汝則已信許人是常住我等不說於一切境由智一時現前佛世尊是一切智若不余此云何是相續稱為佛有如此勝能於隨所欲知境中唯由迴心生智無倒故稱一切智此中說偈

由相續有能 称火食一切 說遍知亦然不由俱悉解

此義云何可知由說過去等世故如偈言

是過去諸佛 是未來諸佛 是現在諸佛能除衆生憂

汝等但許五陰有三世非許人若唯五陰名人云何說此經經云我今為汝說重擔取重擔捨重擔荷負重擔云何此言不可說重擔不能自荷負重擔故云何不能此事非所曾見故不可言亦不可言此事非所曾見故復次應立取重擔非陰所攝為成此義故佛世尊分別荷負重擔人是命者如此名如此姓乃至如此久住及壽際應知是名荷負重擔勿作別物意知或執為常住或執為不可言諸陰自能滅諸陰謂前陰於後陰為顯荷負

字十二

八

荷負重擔義故說此文必定有人何以故由此經言無自然生衆生此執是邪見何人說余是故若人撥無於餘生中自然生五陰相續世間立名自然生衆生說人起邪見謂無自然生衆生由有諸陰自然生故是汝所說

撥無邪見見何諦所滅此邪見不應由見諦滅亦不應由修道滅何以故人不屬四諦攝故若汝言有別經爲證顯人非陰經言一人於世間向生生爲利益安樂多人廣說如經由此經言故人非陰是義不然由於聚中假說一故譬如說一麻一米或於一聚說一言如說一山一屋應說人即是有所爲由汝許有生故如陰先未有後有人生不尔不尔云何生由取別陰故譬如延若師生毗伽羅論師生由取明處故說名生又如比丘生道人生由取相故說名生又如老者已生病者已生由取別住故說名生是義不然由被撥故於經中佛世尊已撥此義何經於真實空經經云比丘如此有業有果報作者不可得實無有故是能棄捨此陰往取彼陰唯除於法世流布論所立人又於頗求那經中說我亦不說衆生能取陰唯諸法相續起由此經是故知無有一人能取諸陰能捨諸陰汝今信執

何延若師生乃至病者生立爲人譬若執我此不成就非有故若執心及心法彼剎那剎那未曾有有故不可爲譬若執身亦如心如身明相陰及人應成差別老病此二是別身是僧徒所立變異義於前已破是故延若師等不成譬若汝執諸陰有未有有義人則不爾若余人應異陰亦是常住此義分明所顯汝說陰五人一云何不說人與陰異汝云何說大四色一色不異四大如此是立義過失何者立義立唯有大義雖然如唯四大是色如此唯五陰是人此義已許若唯陰名人云何佛世尊不記命者即是身命者異身由觀問人意是故不記此問人執有一別寶物名命者於內是作者彼人依此爲問此物必定實無云何可記是一身異譬如龜毛強澀軟滑此結宿舊諸師先已解釋有大德那伽斯那阿羅漢旻隣陀王至大德所說云我今欲問大德沙門多漫言如我所問若大德直答

我當問大德大德言王但問王即問命者爲即是身爲命者異身異大德言此義非所說王言大德我先爲不令大德立誓耶謂不應說別語我有別語此義非可語大德言我今欲問大王諸王多漫言如我所問王若直答我當問王王言大德但問大德即問於王內中菴羅樹此子爲酸爲甜王言我內中無菴羅樹大德言大王我先爲不令王立誓耶謂不應說別語王言我說何別語菴羅樹既無若樹無云何記子味酸甜大王如此命者既無我云何能記異身不異身云何佛世尊不直記無我由佛觀問人意故不直說何以故是諸陰相續立名命者勿問人由執此不有墮於邪見是故不說由彼未通達十二緣生理故是故彼非受此正說器復次由此道理應決此義爲是由世尊說此言阿難跋娑同姓外道問我我爲有爲不有我不答若說此言爲非相應耶謂一切法無我阿難若我答

第十二

十

跋娑同姓外道問說一切法無我此外道於先已在癡闇爲不更過前量入癡闇耶昔時我有我今時永無我若執有我則墮常見若執無我則墮斷見廣說如經此中說偈
觀見牙傷身及棄捨善業諸佛說正法如雌虎衝子若信說有我見牙傷徹身

若棄假名我善子即墮落

復說偈言

由人實無故佛不說一異亦不得說無勿執無假我是陰相續中
有善惡果理說命者撥無由說無命者
正說真空理
問有我無我故不答我無

若由觀問意於有何不記同前無涅槃
墮難故不記

世間常住等問佛亦不記由觀問人意故若彼執我爲世間此無故四答不應理若彼執一切生死名世間答此亦不應理何以故若世間常住無一人得般涅槃若非常住則一

切皆斷滅自然般涅槃若具二必定一分不得涅槃一分自得若非二應成非得涅槃非非得涅槃由涅槃至得隨屬道故是故不可定爲四答譬如不記尼乾弟子握中之雀由此義世間有邊等四問佛亦不記此四問同前四義故何以知然有外道名郁祇柯以此

守十二

十一

四問佛復問爲一切世間由此道得出離爲世間一分大德阿難言郁祇柯是義汝於初已問世尊今何故復以方便更問此義如來有異死等四問由觀問人意故佛亦不記何以故被人執已解脫我名如來故爲此問於執有我人應作如此問云何世尊記生存人有不記於異死人有爲離墮常過失故此事云何記佛言弥底知履履也今汝於未來當成如來阿羅訶三若三佛陀復云何聲聞過世已死於後生記彼言某甲某處受生如此亦應墮常過失若世尊先時見衆生存在般涅槃已則不復見故不記者此應由無明故

不記則撥大師一切智德汝或應信受此義謂由我不有故佛不記若佛見人不記雖不記此人是有亦是常住此義自成若汝說此義亦不可言謂佛見及不見若爾汝應漸漸成此義令皆不可言佛世尊是一切智不可言非一切智亦不可言我必定有由此言依

實依住撥我無我說名見處說有亦是見處是故此言不可以爲證阿毗達磨師說此二皆是邊見斷常二邊見所攝故此言是理如跋婆經中言阿難若說有我此人則墮常見若說無我此人則墮斷見若汝言人無何物往還生死何以故生死自往還此義不可言佛世尊說諸衆生以無明爲蓋貪愛爲縛往還此彼或於地獄或於畜生餓鬼人天道中如此長夜受於衆苦增益貪愛常聚血滴若余此人云何往還生死由捨此陰愛彼別陰汝今所立義於前已破若尔離人生死云何涅槃已則不復見故不記者此應由無明故

如此陰聚說名衆生以貪愛為取約相續說
名往還若世間唯是陰聚云何佛世尊說今
我於昔時曾作世師名曰善自云何不應說
如此由諸陰異故若尔何者有人若昔人即
是今人人則常住是故今我是昔世師此言
顯一相續譬如有言是於彼火燒然至此若

十二

十三

我實有唯諸佛如來能明了見見已世尊即
立我執令成堅實我既是有我所亦成由佛
說經為顯此義衆生於五陰中生我所執則
成堅實是彼於五陰則成身見我所見有已
彼我所愛復成堅實彼以我所愛為堅實繫
縛則於解脫轉成極遠若汝言於我不生我

愛此言應何道理謂於無我由信有我起我
愛於實我不起我愛是故於如來正法中無
因緣起見瘡胞謂有諸人撥無我起有我執
復有諸人撥有執一切無是諸外道計執我
實有別物正法內人起有我執及執一切無
如此等人同不得解脫由無差別故若由一

切種我實不有心既剎那剎那生滅久遠時
所曾更事今云何憶云何更知從憶念境界
相類差別心念及更知生從此想類差別心
無間念得生其相云何由與於彼迴向覺觀
同有相應及想等無依止差別憂悲散亂等
損其勢力何以故此想類差別心若同境非
同類不能生此念若同類非同境亦不能生
此念若二同但一剎那亦不能生此念若異
此三則能生此念若念生必由此生不見餘
物於念有功能故今云何別心所見餘心得
憶何以故天與心所見祠與心不應得憶是
義不然不相應故天與心祠與心此二不相
應非因果故如一相續心有相應彼則不尔
我等不說別心所見別心能憶此云何從見
心有別憶念心生由相續變異故如前所說
若尔有何失從憶念心更知心生若無我孰
能憶能憶是何義由念能取境此取境為異
念不異此念能作取故是我前所說因緣能

十二

十三

生此念謂想類差別心復次是汝所說及多憶念從此相續稱名及多見憶念生說名憶念若無我此念是誰念又第六別言是何義主爲義譬如人問此以何爲主譬如婆羅門牛云何婆羅門爲此半主由衆將使等事屬婆羅門故若余此念於何處可使由此以我爲彼主於應憶境中於中何用使彼爲憶境故希有樂自在人作此言說謂使此爲生此云何此可使爲生此云何此可使爲生彼名使爲遣彼名使由念無行故因生說使若余主應成財因財應成主果何以故由因於果果有增上由果因有所得是因能生念此念屬此因是故主以因爲義諸行聚相續攝在一處立名天與立名牛主此假名人於餘處牛變異生中思量爲因緣故說名牛主於中無一人名天與無一物名牛是故於中若離因義不可立爲主何物能識此識是誰識應如念釋此識因緣謂根塵覺觀思惟如理應

知是此差別若有人說我有由有觀有者故一切有等事必定觀有者等譬如天與行此中有事名行必定觀行者天與識事亦余是物能識此識必應依彼生應問此人汝所說天與是何物若說我爲天與此我於前已破不可成立若汝說世流布所顯此人不成一

物諸行聚得如此名此中如說天與行說天與識亦余云何說天與行諸行剎那剎那生滅相應無別異說名天與諸凡夫執彼許爲一衆生彼於別處作自相續因世間於彼說天與行於餘處生說名行譬如光聲相續於別處生說名行是彼正作識因說名天與識

牛十二

十四

聖人由世流布所立亦說彼事爲與言說相應故於經中說識識境此中識何所作悉無所作如識異隨似因悉無所作但由得相似體故說如此說識識境亦余悉無所作但由得相似體識相似有何義體生似彼是故此識雖從根生但說識塵不說識根復次此中

識相續由於後識是因故說識識境此言無失由於因中立作者名故譬如說鈴正鳴復次譬如燈行識識境亦云何燈行於光相續假名說燈此相續正生於餘處說燈行餘處如此於心相續假名說識此心相續於餘塵中生識此識彼塵復次譬如世間說色有色生色住此中能有等不異有等亦有二言於識二言亦尔若從識識生不從我生云何生不恒似本又不由史定次第生譬如芽節葉等由住異諸行相故一切有爲法性皆如此必定相續不同若不尔入如意得定觀人身心相似生故一切相續與初刹那不異故後時不應自然出定亦有決定次第心生若心應從此心生從此彼必定生故亦有別心同相有功能生同相心由性差別故譬如從女人心次第若穢污身心生或此夫及子等心生復於後時由相續變異故更生女人心此心於穢污身心生中或於此夫及子等心

生中有功能由同性故若異此則無功能復次從此女人心由別因緣生無量別心於此衆心中若心多生明了生最近生從此心次第先生是彼修習力最强故除現時身外因緣差別此心修習力強云何不恒受果由此心有異相故此住異相於別修習果生中隨順功德故此法相於一切心種類中是方無間因智中諸佛世尊有自在此中說偈於孔雀一尾 具一切相因 餘人不能知此智是佛力

何況無色諸心差別我等能知有餘外道執從我心生此二難於彼外道最明了成云何心不恒生同一相云何不決定次第生譬如芽節葉等若汝執由觀心和合差別故異是義不然由別和合不成就故由二和合物有定量故彼說和合相者非至爲先後至說名和合由彼所執和合相則應立我有定量遍義則不成是故由心有行亦應說我有行及

滅若汝執由於一分和合是義不然此一物無分故我亦許汝有和合雖然若心恒不異云何和合有差別若汝說由觀智有差別是故心有差別是義不然智與心同難故我既無差別智云何有差別若汝執觀功用差別從我和合智差別生是義不然云何不執但從功用差別相應心智差別生何以故此中無有我功能隨一可知得故譬如藥事成時有誰惑醫說部莎訶言若汝說由我有此二得成此執但有語言若汝言此我是彼依止若余於中何者是所依何者是能依何以故此二非所持譬如盡色及婆陀羅子亦非能持譬如壁及餅由相礙俱有二過失故若我爲彼依止不如此若不余云何如地大是香等依止我今大喜此譬乃證我義謂我無如離香等別地大不可得於香等假名說地大如此於功用及心無有別我但於此二假名說我何人能決了有地異於香等汝今應知

牛二

十六

譬如無自在人有第二頭異色等五塵若離香等無別地云何說於地有四德爲各分別彼令他得知香等得名無別地等譬如說木像身形雖然若由觀功用差別故智有差別云何不一時生一切智若功用最強是功用遮餘功用若余是最強功用云何不恒生果是彼道理即是彼修分別我則無復用必定應信受有我念等由求那性故此求那必定依止物故是故念依我是我德若執彼依止餘物則不相應離我餘物無覺故是義不然彼求那性不成就故是汝所立念等是求那性於我不成就我等執一切所有皆名陀蘻

脾
反
毗邪由經言沙門果者唯有六物是故彼止陀蘻脾爲性不成何以故是依止義前已簡擇不成就故此言但是謾說若我實無造業何用我當受樂我當受苦爲此故造業我是何物我計執境界我計執何法爲境界汝云何知由於彼生愛故與白黑等智同依止

故如說我白我黑我肥我瘦我老我少等見此計執我與白黑等智悉同依止汝不計於我有如此等差別是故此我計執但約陰起於我有恩故於身假名說我譬如世言彼目即是此於我有恩假立我言我計則不尔若但緣身爲境界云何不緣他身爲境界是

守土

十七

義不然不相應故此我計執隨所有法共相應或身或心於中起我計執非於餘處於無始生死所數習故何者爲相應謂因果道理若無我此我計執是誰計執又第六別言是何義此問已去今復更來答亦如此乃至若法是此計執屬此法若尔何法爲計執因昔我計執所薰習緣自相續爲地界有垢穢心若無我誰受苦誰受樂是依止中或苦生或樂生譬如樹有華林有果此苦樂以何法爲依止內六入隨一如前所說應知如此若執我無誰造作業誰受用果造作及受用此言有何義先未有能令有名作止得先業果名

受用此言記別名非顯別義解判法相師說於事有自在名作者見世間有人於餘事中有自在能譬如天與於住食行等事中汝今說何法爲天與若汝說我爲名天與我前已破此不成有若說五陰是作者則無自在業有三種謂身口意此中於身業者是身爲作事必繫屬心是心事於身亦繫屬自因緣心於自事亦尔是故隨一無自在一切有法皆繫屬因緣故生起悉無自在汝法中是所執我若不觀餘因緣不許爲作者故是故此自在不成由無此相是故隨立一爲作者皆不得成於事中若因由功能勝假名說爲作者於餘事不見我有一切能故不可立我爲作者何以故意欲從憶念生覺觀從意欲生功用從覺觀生風從功用生從風起業於中我作何功能受用果何相若我正用此事說我爲受者是受用果相此言何義若汝說覺知爲受是義不然我於覺知無功能由已破於

識我功能故若我無云何不以非衆生爲依止所有善惡業生長非受等依止故以何爲依止六入爲依止非我此義前已說我既無從已謝滅業於未來果云何生若我有從已謝滅業於未來果云何生從能依法非法生如汝所言有何能依及所依此語前已破是

牛土

六

故法非法無所依止復次我等不說從已謝滅業於未來中果報得生若余云何從業相續轉異勝類果生譬如種子果如世間說從種子果生此果不從已謝滅種子生非無間生云何生從種子相續轉異勝類生謂芽節葉等次第所生及華後此果既從華生云何說爲種子果由轉轉於華中生果功能是種子所作故是最後華功能若不以種子功能爲先此華無功能得生如此等流果如此從業說果報生不異報不從已謝滅業生亦非無間生若余云何從業相續轉異勝類果生此中相續是何法轉異是何法勝類是何法

以業爲先後後心生說名相續此相續後後異前說名轉異於此轉異中若有轉異無間最能生果說名勝類此於餘轉異最勝故譬如取死心於後有生有功能雖以種種業爲先若業重最近數習是三所生功能此中明了顯現非餘業如偈言

若重近數習 及昔作諸業 先先先後熟
於輪轉有續

此中果報因所立於果報果中功能生果報已即便謝滅同類因所立於等流果中功能若有染污法對治生時即便謝滅若無染污法由心相續求謝滅故此功能即滅謂般涅槃時復次云何從果報別果報不更生譬如從種子果更生種子果此中一切所立義與譬義不必悉同此中不從果更生別果若余云何生從濕脹轉異勝類所生此中四大種類能生芽等是果種子非餘復次是前相續

牛土

七

由當有名說爲種子以相似故此中亦余從

此果報聽聞正邪二法等因緣若別所生或
有流善或不善心轉異若生從此更生別果
報不由別理故此譬與立義同復次由此譬
更應知此義譬如從勒荷汁所點摩東籠伽
華相續轉異所生於果內赤色纏得生從餘
不生如此從業所生果報不得生若
由如前所說道理此則得生隨麤如我智慧
所知顯由種種勝能有差別諸業所薰習相
續至如此位能生如此如此果報此義唯諸
佛世尊境界此中說偈

業薰習勝類 果報位及淨 由一切種理
離佛餘不知 佛經理互應 解真義勝量
從二說無傷 何用難憤身

如此善立理清淨 已見諸佛教法余
盲闇種種邪見行 願捨外執得明行
此涅槃土一廣道 諸佛曰言光所照
衆聖行熟無我理 雖開昧眼人不見
佛世尊告富樓那 汝等正勤持此法

若人依此修觀行 必定皆得五五德
如此已顯正義方 爲開智人智毒門
願彼捨離外邪執 爲自及他得實義

阿毗達磨俱舍釋論卷第二十二

守十二

菴 婦 鈞 娶 於 盈 龜 居 追 強 濶 上 巨 兩 切 暢 美
切 甜 徒 蕪 嘶 戶 監 握 於 角 滯 痘 上 楚 莊 切
眡 柯 上 於 六 反 古 俄 中 切 數 習 下 音 集 反 儂
濕 脹 下 知 亮 切 千 未 有 切 郁